

**Razvojna banka Federacije  
Bosne i Hercegovine  
Predsjednik Uprave**

Broj: 0868-III/26  
Sarajevo, 26.01.2026. godine

Na osnovu člana 20. Statuta Razvojne banke Federacije Bosne i Hercegovine, člana 22. Pravilnika o javnim nabavkama roba, usluga i radova u Razvojnoj banci Federacije Bosne i Hercegovine broj: 0871-1-II/24 od 19.01.2024. godine, Pravilnika o izmjeni Pravilnika o javnim nabavkama roba, usluga i radova u Razvojnoj banci Federacije Bosne i Hercegovine broj: 1534-II/25 od 10.02.2025. godine, a u vezi odredbi člana 64. stav (1) tačka b), člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14, 59/22 i 50/24) i preporuke Komisije za nabavke iz Zapisnika o pregledu i ocjeni ponuda broj: 0785-XII/26 od 26.01.2026. godine, Predsjednik Uprave donosi

**ODLUKU**

**o izboru najpovoljnijeg ponuđača u postupku javne nabavke promotivnog materijala s logom Razvojne banke Federacije BiH**

**Član 1.**

Prihvata se preporuka Komisije za nabavke iz Zapisnika o pregledu i ocjeni ponuda broj: 0785-XII/26 od 26.01.2026. godine i okvirni sporazum za nabavku promotivnog materijala s logom Razvojne banke Federacije BiH dodjeljuje se ponuđaču „ONRA“ d.o.o. Sarajevo, ul. Put Famosa 38, 71210 Ilidža, kao najpovoljnijem ponuđaču u konkurentskom zahtjevu za dostavu ponuda.

**Član 2.**

Nakon isteka roka za žalbu, okvirni sporazum će se zaključiti sa izabranim ponuđačem na procijenjenu vrijednost nabavke u iznosu 10.000,00 KM bez PDV-a, prema fiksnim jediničnim cijenama iz obrasca za cijenu ponude, na period od 12 (dvanaest) mjeseci, u skladu sa uslovima i kriterijima utvrđenim u obavještenju o nabavci i tenderskoj dokumentaciji.

**Član 3.**

U skladu sa odredbama člana 70. stav (6) Zakona o javnim nabavkama, Ugovorni organ će objaviti ovu Odluku na svojoj web stranici [www.rbfbih.ba](http://www.rbfbih.ba), istovremeno s upućivanjem iste ponuđačima koji su sudjelovali u ovom postupku.

**Član 4.**

Ova Odluka stupa na snagu danom donošenja i dostavlja se ponuđačima koji su sudjelovali u postupku javne nabavke, saglasno članu 71. stav (2) Zakona o javnim nabavkama.

**OBRAZLOŽENJE**

Odlukom o pokretanju postupka javne nabavke promotivnog materijala s logom Razvojne banke Federacije BiH broj: 14236-III/25 od 30.12.2025. godine, pokrenut je postupak predmetne nabavke. Javna nabavka je provedena putem konkurentskog zahtjeva za dostavu ponuda, a kriterij za dodjelu ugovora je najniža cijena.

Procijenjena vrijednost nabavke iznosi 10.000,00 KM bez PDV-a.

Obavještenje o nabavci predmetne nabavke objavljeno je na Portalu javnih nabavki dana 31.12.2025. godine, broj obavještenja: 1011-7-1-292-3-117/25 (*"Službeni glasnik BiH"*, broj: 1/26 od 09.01.2026. godine).

Tenderska dokumentacija objavljena je zajedno sa navedenim obavještenjem.

Odlukom v.d. Predsjednika Uprave Razvojne banke Federacije BiH, broj: 1763-III/25 od 14.02.2025. godine, Odlukom o izmjeni Odluke o imenovanju Komisije za nabavke Razvojne banke Federacije BiH broj 7310-III/25 od 30.06.2025. godine i Odlukom o izmjeni Odluke o imenovanju Komisije za nabavke Razvojne banke Federacije BiH broj 8818-III/25 od 12.08.2025. godine imenovana je Komisija za nabavke Razvojne banke Federacije BiH, a kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Slijedom navedenog, Komisija za nabavke u okviru svojih nadležnosti i ovlaštenja je provela predmetni postupak nabavke te o tome sačinila Zapisnik o pregledu i ocjeni ponuda u kojem je utvrđeno da je blagovremeno pristiglo 6 (šest) ponuda kako slijedi:

R. Br.	Naziv i sjedište ponuđača	Datum i sat prijema ponude	Cijena ponude (u KM)	Popust (u KM)	Ukupna cijena bez PDV-a (u KM)
1.	„ONRA“ d.o.o. Sarajevo, ul. Put Famosa 38, Ilidža	13.01.2026. godine u 12:47 h	100,00	0,00	100,00
2.	„WOLF MEDIA“ d.o.o. Sarajevo, ul. Kaptol br. 1, Sarajevo	14.01.2026. godine u 08:53 h	125,39	0,00	125,39
3.	„AERO-EXCLUSIVE“ d.o.o. Sarajevo, ul. Kolodvorska br. 12, Sarajevo	14.01.2026. godine u 09:20 h	202,86	0,00	202,86
4.	„GONG“ d.o.o. Sarajevo, ul. Tešanjka br. 42, Sarajevo	14.01.2026. godine u 10:07 h	95,68	0,00	95,68
5.	„R&S“ d.o.o. Sarajevo, ul. Igmanska bb, Sarajevo, Vogošća	14.01.2026. godine u 10:08 h	164,28	0,00	164,28
6.	„Max Trgovine“ d.o.o. Zenica, ul. Muftije Šemsekadića bb, Zenica	14.01.2026. godine u 11:00 h	84,50	0,00	84,50

Cijeneći činjenično stanje, na osnovu izvršene analize i ocjene pristiglih ponuda, Komisija je utvrdila da su 2 (dvije) dostavljene ponude prihvatljive, dok su preostale 4 (četiri) dostavljene ponude ocijenjene kao nepravilne.

Zaprimljene ponude ponuđača „AERO-EXCLUSIVE“ d.o.o. Sarajevo, „GONG“ d.o.o. Sarajevo, „R&S“ d.o.o. Sarajevo i „Max Trgovine“ d.o.o. Zenica, na osnovu rezultata pregleda i ocjene ponuda se odbacuju kao nepravilne, što je detaljno obrazloženo u Zapisniku o pregledu i ocjeni ponuda broj: 0785-XII/26 od 26.01.2026. godine.

Pregled prihvatljivih ponuda prije provođenja e-aukcije:

R.br.	Ponudač	Ukupna cijena ponude (bez PDV-a) u KM	Ponudeni popust u KM	Ukupna cijena ponude (u KM)
1.	„ONRA“ d.o.o. Sarajevo, ul. Put Famosa 38, Sarajevo, Ilidža	100,00	0,00	100,00
2.	„WOLF MEDIA“ d.o.o. Sarajevo, ul. Kaptol br. 1, Sarajevo	125,39	0,00	125,39

S obzirom da je tačkom 23. tenderske dokumentacije predviđeno provođenje e-aukcije u skladu Pravilnikom o uslovima i načinu korištenja e-aukcije ("Službeni glasnik BiH", broj: 80/23), za ponuđače koji su dostavili prihvatljive ponude zakazana je e-aukcija u petak 23.01.2026. godine sa početkom u 13:00 sati. Predviđeno trajanje e-aukcije je 15 minuta. E-aukcija je održana u petak 23.01.2026. godine, počela je u 13:00 sati, a završila u 13:15 sati.

Rangiranje prihvatljivih ponuda prema kriteriju za izbor ponude nakon provedene e-aukcije:

Red. br.	Ponudač	Ukupna cijena ponude (bez PDV-a) u KM	Rangiranje
1.	„ONRA“ d.o.o. Sarajevo, ul. Put Famosa 38, Sarajevo, Ilidža	100,00	1
2.	„WOLF MEDIA“ d.o.o. Sarajevo, ul. Kaptol br. 1, Sarajevo	125,39	2

U postupku donošenja ove Odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponuda, u skladu sa kriterijima i uslovima iz tenderske dokumentacije.

S obzirom da je ponuda ponuđača „ONRA d.o.o. Sarajevo, prema kriteriju za izbor ponude (najniža cijena) ocijenjena prihvatljivom, te da ispunjava sve uslove i zahtjeve predviđene konkurentskim zahtjevom za dostavljanje ponuda, sa navedenim ponuđačem će se zaključiti Okvirni sporazum, na iznos procijenjene vrijednosti nabavke od 10.000,00 KM, prema fiksnim jediničnim cijenama iz obrasca za cijenu ponude-robe, na period od 12 mjeseci, do gornjeg praga vrijednosti do kojeg okvirni sporazum pojedinačnim ugovorima unutar okvirnog sporazuma može biti iscrpljen/iskorišten, odnosno do ispunjenja iznosa procijenjene vrijednosti nabavke, zavisno koji se kriterijum prvi ispuni.

Imajući u vidu sve prethodno navedeno, primjenom člana 64. Zakona o javnim nabavkama stav (1) tačka b) i člana 70. stav (1), (3) i (6) Zakona o javnim nabavkama ("Službeni glasnik BiH", broj: 39/14, 59/22 i 50/24), odlučeno je kao u dispozitivu ove Odluke.

**Pouka o pravnom lijeku:** Protiv ove Odluke može se izjaviti žalba u roku od 5 (pet) dana od dana prijema ove Odluke, saglasno članu 97., 99. i 101. Zakona. Žalba se podnosi u najmanje 3 (tri) primjerka.

Dostaviti:

- Učesnicima u postupku.

**Predsjednik Uprave**  
**Borislav Trjin**